

Kalaallit Nunaanni nunamik uuttuisartooq

Asiaq, Greenland Survey sullarissumik unammillernartunillu suliaqarusuttumik nunamik uuttuisinnaasumik pissarsiorpoq.

Nunamut inspektøritut, ingeniøritut imaluunniit nunamik uuttuinnermut teknikeritut ilinniarsimasunut atorfik inuttalerneqarsinnaavoq.

Pingaarnertut suliaasaq tassaassaaq ulluinnarni GNSS Nuummilu totalstation atorlugu teknikitigut nunamik uuttortaaneq. Taassuma saniatigut suleqatit peqatigalugit bathymetriskimik uuttortaasoqartassaaq aammalu paasissutissat pissarsiarisimasat suliarineqartassapput kiisalu drone atorlugu uuttortaasoqartassaaq taakkualu atorlugit portussutsinik modeliliortoqartassaaq ortofotoliortoqartassallunilu. GIS atorlugu geodatanik suliaqarneq saqqummersitsisarnerlu sulianut aamma ilaassaaq.

Tungaviusumik atorfik Nuummi inissisimavoq aasaanerusumili Kalaallit Nunaanni illoqarfinnut nunaqarfinnullu piffissaatillugu angalasoqartassalluni. Piffissap ilaani inuilaami tupermi unnuisinnaaneq peqquataalluni timikkut nalinginnaasumik peqqissuseqartariaqarputit.

Neqeroorutigisinnaavarput atorfik akisussaaffimmik annertuumik imalik, nammineersinnaassuseqarneq kiisalu ineriartorfissaqarluarneq. Teknik atorlugu nunamik uuttuinnerup dronelu atorlugu timmisartornerup saniatigut 3D-mik takussutissiornermik aammalu bathymetriskimik uuttortaaneq aamma ingerlanneqartassapput. Kalaallit Nunaanni 9 UTM-zoneni inissisimaffiusumi geoidemik atuutitsiartuaarnissamut peqataassaait. Taassumalu saniatigut Kalaallit Nunaanni innersuussiffiusartumut aserfallatsaaliortuussaait. Suliannut sunneeqataalluarsinnaavutit, ineriartornissannut periarfissaqarluarpoq kiisalu suliannut ilusilersueqataasinnaallutit. Atorfik immikkuullarissaq ilisimasatigut avatangiisigissaarfiusoq neqeroorutigisinnaavarput minnerunngitsumillu Kalaallit Nunaata pinngortitaa kusanarluinnartooq isikkivigineqassalluni.

Piginnaanissatit: Suleqatigiit akornanni sulisinnaassaait namminerli aalajangigassanik aamma toqqaasinnaassuseqassallutit. Nunamik Uuttortaannermut Geoteknikkimullu immikkoortortaqaqarfimmi sulissaait, tasanilu sulisut suliaminnut aallussilluartut suleqatigissavatit. Suliffeqarfimmi sulisut nunanit kulturinillu tamalaaneersuusut suleqatigisinnaassavatit. Teknikki atorlugu nunamik uuttortaaneq misilittagaqarfigaat iluaqutaasinnaavoq aamma fotogrammetriskinik suliaqarnikuusimaguit GIS-ilu atorlugu ESRI-mi saqqummiussisinnaaguit. Sapiitsuuvutit suliaasariligassannullu nutaanut sunngiussipallasinnaallutit. Attaveqallaqqissuuvutit tuniniaarusussuseqarputit, atuisunik siunnersuisinnaavutit suleqatitillu peqatigalugit aaqqiissutissanik ujartuisinnaallutit.

Asiaq Namminersorlutik Oqartussat ataanni suliffeqarfiuvoq namminersortitaq Kalaallit Nunaannilu avatangiisit tigussaasut pillugit paasissutissanut centeritut, ilisimasaqarfittut piginnaasaqarfittullu pingaarutilimmik – suliffeqarfinnut, oqartussaqaqarfinnut, ilisimatusartunut inuiaqatigiinnullu inissisimavoq. Paasissutissaatigut pilersaarusiormi, nunaatit atorneqarnissaannut aqutsinermi, upalungaarsimaniarnermi, aatsitassarsiornissamut ilisimatusarnermi pinngortitamillu illersuiniarnermi kiisalu sanaartortoqarnissaanut pilersaarusiormi atorneqartarput. Suliffik Nuummi inissisimavoq, sulisut ilisimasaqarluartut isumassarsiorluarfiusinnaasut sulisuupput taakkualu tungaviusumik eqaatsumik, ammasumik assigiinngisitaarfiusumilu suleqatigiittarput.

Atugassarititaasut

Atorfininneq Namminersorlutik Oqartussani allaffissornikkut pisortanut kattuffiullu attuumassuteqarfigisap akornanni isumaqatigiissutaasimasut naapertorlugit inissisimapput. Atorfinittussamut inissaqartitsisoqanngilaq. Atorfinittorli sulisut inaataanni najugaqareersimaguni, inini paariinnarsinnaavaa. Atorfik atorfinitsitaanermut attuumassuteqarmat, atorfik qimanneqarpat inigisaq aamma qimanneqassaaq. Marsip aallaqqaataa 2021 imaluunniit isumaqatigiissusiornikkut atorfinittoqassaaq.

Paasissutissat sukumiinerusut

Atorfik pillugu paasisaqarnerorusukkuit suliaqarfimmi aqutsisoq Martin Nauta oqarasuaammut +299 34 88 00-imut saaffigineqarsinnaavoq. www.asiaq.gl atorlugu aamma paasissutissanik ujartuisoqarsinnaavoq.

Qinnuteqarnissamut killigititaq

Qinnuteqaat kingusinnerpaamik Asiamut tunniunneqassaaq januaarip 20-at 2021. Qinnuteqaat "Landmåling i Grønland"-imik nalunaaqutserneqassaaq CV kiisalu soraarummeernermit uppersaatit ilanngullugit nassiunneqassapput. Qinnuteqaat uunga mailimut nassiunneqassaaq: asiaq@asiaq.gl